



BRETHREN IN CHRIST CHURCH

Zimbabwe

49TH ANNUAL GENERAL
CONFERENCE

ILIHLO LOMHLANGANO

www.bicczim.org

Ezivuka kumaMinithi

- Uqale kuhle umhlangano omkhulu ukhokhelwa nguMfundisi omkhulu. Ukusebenzelana kwezibhedlela eseZambia (macha) leZimbabwe kukhanya akukaphumeleli kodwa kusasetshenzwa.
- Unobhala weConference uphathiswa ngomabhalani abane(4) kulo umhlangano angazi kumbe kubangelwa lukhetho lukaBishop lonyaka.
- Bakhala ngokuthi ikhatshana imitshina yokukhulumisa bayifuna eduze. Usevuka umfundisi ubaba uMcebisi Ndlovu uthi asivuse abatsha bokusebenza, njalo ukhale ngokuthi lokhu kusebenza abadala okwenza izinto zingabi lomfutho.

Ezobunali (Missions)

- Eswatini isikhona imuli kaMilson Ndlovu. South Africa idlulisiwe umhlangano omkhulu obekhona khathesi. Botswana baqinisa ukuthi kuphathe izizalwane zakhona. England sebevulile ibandla eScotland. Bayaphathisa abeBoard for World Missions ukuthuthukisa lokuqeqetsha ubukhokheli.

Ezamapulazi

Bathi ukufuywa kwenkomo kwenzakala kodwa abakufakanga embikweni IWanezi isiphenduke yaba yiPhumula mission ngokuphatha umhlangano omkhulu, kuxolisiwe ukuthi umhlangano omkhulu waguquka ngenxa yokuthi abePhumula labeNono babona ukuthi balezinto ezingahlalanga kuhle. Bathi ingqondo ezilapha zingasiza nxa kungaphiwa isizatho ukuthi kungani mhlangotho waguqulelwa eWanezi Izizatho bathi yibulutshwane bamanzi lendlu yomqando kunye lezindlu zokuhlakala ezilutshwane

Izimali

Kuyananyila ukungena kwezimali ehofisini enkulu Zimile ezinye inhlelo ngenxa yokuswela izimali, kuyabongwa abasekela umsebenzi kaNkulunkulu.

Ezezisebenzi

Bakhuthaza ukuthi kube lecommittee elikhangela ngeziseben - zi esiqintini lasemabandleni ukuze khathesi nxa kulolutho embikweni ingalindeli ikusasa. sekufuneka imodel of financing singenzi izinto ngoba kulemali kodwa sitsho esifuna ukukwenza besesidinga imali ngakho asingathi asilamali yomuntu ozakhangela izisebenzi. Abantu kumele babone indlu, hatshi ukubona izitina ezibekiweyo kuphela.



PREACHING/WORD

REV. COLLEN SIBANDA

Umbhalo:

Galatians 5: 1 - 5

Hebrews 2: 3

Romans 3: 23-24

John 19: 30

Uqale ngembali yomuntu ensimini yaseEden kuze kufike ukuthi umuntu awone. uNkulunkulu kazange amlahle umuntu lanxa esewonile. Wenza imizamo yonke ukuthi abuyisane Labantu. UJesu nguye umhlengi wabantu, ungakholwa kuphela uyathola umoya kaNkulunkulu. UPawuli uthi akusweleki mlayo kumbe ukuthi umuntu asoke ukuze abengofaneleyo phambi kukaNkulunkulu phela kwakusoka uyise esokela ngitsho labantwabakhe abangantombazana uthi namhla utshumayeza abantu abamnyama abakholwa imimoya eminengi. Kodwa nxa usukuKristu ukhululekile kukho konke Kanye lasemimoyeni eminengi. UKristu wasihlenga kukho konke okusihluphayo empilweni yethu, njalo uphelele yedwa kancediswa



Inani Labantu kusihlwa:

1017



Ezemfundo zeBHayibhili - TCAC3

Uxolisile ngokukhutha umbuzo uRev Nqobizitha Sibanda. Kungaba leUMT isikolo seEBI siyaginywa kuphendula uMgcinisihlalo weUMT. Kambe imfundiso yethu asiyithembi yini size sithi sigcoba kuphela abantu abalama Degree abavela kwezinye izikolo ezingezona zebandla lethu. iEBI le UMT sebelesivumelwano sokusebenza ndawonye. iEBI izaba luhlangothi lweze Bible ku UMT. Lamhlanje baphuzile ukufika emhlanganweni omkhulu abeEBI, lokhu kwenze kwangabi letiye ntambama abajayele ukuyipheka. Kodwa kutholakale ingqumbi yembhida lesaka lembambayila emkulwini weEBI. Angazi kumbe imbambayila ibuye labeMatopo abantu bembambayila. Imbhida inika imbuzo ukuthi ivela emapulazini

Abatsha

Bawulethile yini abatsha umbiko abacelwa ukuthi bawulethe, bahlonipha yini isicelo sebandla. Basitshiyeleni abeNkazimulweni njengoba sebesukile. Sebesiyangaphi abatsha njengoba bengasekho emabandleni?

Ukubingelela

- Babingelele ababonisi beziqinti babonga ukuba yingxeny yomhlangano omkhulu.
- Baziveze ukuthi bangabantu bembambayila abe Matopo.
- Ucele ukuthi amaphaphu ahlale endaweni yawo uNkosikazi kaMbonisi Manzini. Uqale ngokuthi angithi iziMission ngezethu ngakho kungonakala siyabe sizonele.

EZOKUTHULA - PEACE



Bayatshitshizela abezokuthula nxa kusiza inyanga yokuthula ngemva kwalokhu banyamalale, kuceliwe ukuthi lezinhlelo kaziqhubeke ngazozonke izikhathi. Bathi kazibanjwe zisemaphuphu izingane ezikolo zethu zaphansi. Limi ngaphi iBandla nxa kukhulunywa ngezombuqazwe owabakhona. Uzibuzile ukuthi ibandla lithini, lokhu kufike elele egangeni uMcebisi Ndlovu. kanti sivalalelwe yini ukuthi sikhulume ngaphandle kwalezingatsha njalo simi ngaphi njengebandla? Uthi kafuni ukuthi athi unguMsekeli kaMongameli weEFZ umfundisi Omkhulu. Bacela ukuthi ezokuthula zifike eziqintini lemaBandleni

22 AUG, 2024

Ezikolweni

Kazisetshenziswe njengebhizimusi izikolo zethu. Bebekhangelele Ingwalo Ukuthi ibe yiPrivate School. Lokhu kuzayenza Kube lenzunzo ezasancedisa njengebandla.

Ezemaplazini


Madala kuboProfessor amakhuba emaplazini. Kutsho ukuthi laboProfessor kabathenganga Makhuba.

Church Growth


Ubengakwazi ukuthi akufake ngaphi ukuthi ibandla ngobukhulu balo kumele libe leKhomiti yezokuhlabela. Usefisa ukuthi imtshina ehambisa amazwi ihlale ingasebenzi ukuze akholise ubaba Dumisani Ndlovu.

Impumela Yokhetho-Bazwakale bethi umhlangano usuphelile ngemva kwempumela yokhetho

Usekhethiwe uMfundisi uAyibongwe Hlongwane ukuba nguMfundisi omkhulu okweminyaka emihlanu elandelayo. Babuziwe abazalwane ukuthi ukutshaya izandla kutshoni.



uMfundisi lomama uMrs Hlongwane



Conference Sermon- Bishop S. Ngulube

iSound Doctrine ibalulekile ebandleni.

Umbhalo: 1 Timothy 4:14 – 16

Amakholwa bebefundiswa ukuthi uJesu wafa wavuka. uJesu kazange aphelele ekufeni wavuka waya ezulwini njalo uyabuya ezothatha ibandla lakhe. Abapostoli baqiniswa yimfundiso eqotho kukho konke ababekwenza. uPaul wakhathazeka kakhulu ngokuthi ibandla laliphatheke kubi ngesikhathi kukhuthazwa u Timothy ukuthi abambelele.

Inkonzo YoMvangeli- Rev Collen Sibanda

Umbalo: Judges 7:1 – 14, Judges 6:28 – 31

Abantwana bakolIsrael bakhitshwa ebuqilweni nguMose eEgypt wababusisa. uGideon wayelamandla yikho ingilosi yambiza undoda elamandla kodwa yena waye ngaphathanga lutho njalo engela masotsha. Ingilosi yathi kuGideon qina ndoda, ulamandla ngoba uNkulunkulu ulawe. Kulento uNkulunkulu ayeyifake kuye. Abanye sebezitshale ukuthi akulanto abangayenza, lamabandla abo ngeke enze lutho. uGideon uqala ngokudiliza amaAlter awemuli yakhe

izindaba

Continued from page ... Kucelakale ilanga lokuhlabelela ibandla lonke jikelele. Awabe khona amacrusade endaweni ezitshiyeneyo. Sifisa ukuthi abafundisi bahlale emakhaya ukuze amabandla avuthwe.

Mission Work

Liyacelwa ihofisi yezobunali njalo abanali bafundiswe ngendlela zokuqala amabandla emazweni atshiyeneyo.

Umthandazo Wokuzizwela


Bebekhona emthandazweni wokuzizwela abazalwane. Kukhulekwe kukhangelwe izinto ezitshiyeneyo. Ibandla lifuna ukuzizwela kuNkulunkulu ngempilo lokuzinikela. Belingazwakali ibandla likhuleka mayelana ngokhetho lukaMfundisi Omkhulu okhona kuloMhlangano.

University of Matopo Trust

Uphenduke umfana omncane nge U. M. T. ubaba uJ. P. Ndlovu. Ukhohlwe ukuthi UP! UP Jesus! wathi UP! UP UMT! Badingakale lakuforum abe U. M. T. angazi bebengaphi. uRev J. P. Ndlovu uthe, i-university ayisoze yakhiwe yizituhwane. Usukumise wonke umuntu ukuthi enikelele iU. M. T. ngoba kufuneka US\$16 000 ukubhalisa isikolo, le US\$80 000 yokuthi kusetshenzwe.

Ezibhedlela

Bathe sebencedisa izigulane ngokuzipha ukudla okulomsoco.



CONFERENCE

NEWS



**Bishop D. Ndlovu ubingelela
enxusela ku-M. W. C. ezakuba
khona eEthiopia.**

Ukubingelela

01

Botswana

Sebebhalisa ibandla kutsha abeBotswana ngenxa yokukhuluma okutshiyeneyo.

01

Eswatini

Usevuselelekile uNkosikazi kaRev Milson Ndlovu evela kweleSwatini. Bakhangelele ukuba lamabandla amathathu masinya.

03

United Kingdom

Ubingelele uRev. B. Moyo, watsho ukuthi bayabingelela abababonileyo besiza ngapha. Uveze umkakhe, lalapho ahlala khona. Sebeqalile amabandla amabili amatsha khonale njalo sebetholile isakhiwo ukuthi basithenge sibe ngesabo - lapho abazakuba lamaOffice leNziki yeEurope.

03

South Africa

Baphose babavalela phandle abe South Africa, ngesikhathi kuvotelwa uMfundisi Omkhulu. Phela besekuxokozela, sekuvuka imizwa ngokuqhutshwa kokhetho.

Izinga leE. B. I. liyakhuphuka

Bayatshitshizela abe E. B. I. ngasemkulwini wabo bepheka itiyi. Kuyabongeka ngoba kukhanya abanengi bekukhwabitha ukudla abakuphekayo.

Kubonakale abantu kusihlwa befuna imbambayila, inkobe, lomxhanxa. Konke lokhu bekungasekho ngenxa yokujahwa ngabathengi.

Phela bazama ukwenza imali le okukhalwa ngayo kangaka kulo umhlangano omkhulu ukuze isikolo siqhubekele phambili.

Langaphandle kwalokhu, kungenzeka phela sebencedisa iU. M. T. njengoba kuzwakale kuthiwa nxa iphumelela yiyo esizanika amaDiploma In Theology. Lokhu kuzwakale kungahlali kuhle kwabanengi.

Kuzwakale abanengi bencoma ukuthi iEkuphileni Bible Institute (E. B. I.) isisebangeni sokunika isithupha esinanzelelwa yi Higher Education Examination Council (HEXCO) ekaHulumende welizwe. Leyi yintuthuko enkulu kakhulu kubandla laBazalwane kuKristu. Iyagqugquzela ke iE. B. I. ukuthi abantu babuye bazefunda ngobunengi babo, futhi zikhona ezinye izifundo eziphathelane lempilo, ezinye yilezi ezilandelayo; ukubaza (carpentry), ukulima (agriculture), computers, ukupheka (bakery), kanye lokunye okunengi okwenza mhlawumbe lakulumhlangano bakhanye bepheka ukudla okulohlonzi njalo okulomsoco.

iE. B. I. yakhiwa ngabanikazi bayo ukuze ibandla lithole abatshumayeli abalohlonzi kanye lentshumayelo ezijiyileyo – ezilomsoco, sibe libandla eligxile emfundisweni eqotho.

Subscribe to our
newsletter

And never miss an update!

www.bicczim.org

Register with E. B. I.:
+263 77 836 1485



PREACHER/WORD

with

PASTOR BEKEZELA

METHEMBE

UNKALA

Ibandla elime emfundisweni eqotho liyema liphikelele

Reading

Psalms 46:10 & Ephesians 6: 10-18

Sifisa kule intshumayelo ukuphendula lo umbuzo; Kuyini okungenza ibandla lime njalo liphikelele?

1. Yikumazi elimkhonzayo
2. Ukwembatha isihlangu esipheleleyo sika Nkulunkulu

Thembani uNkulunkulu phakathi kweziphepho zezwe, likwazi ukuma laloba umfula ungadla amahabula. Kodwa ukuze lime, kufanele libemazi elimkhonzayo njalo lembathe isihlangu esipheleleyo salowo elimkhonzayo.

Ibandla kumele liphikelele ngokumazi elimkhonzayo, Psalms 46, ungubani uNkulunkulu?

1. God is our strong refuge
2. He is truly our helper in times of trouble.
3. The LORD who commands armies is on our side! Vs 7
4. The God of Jacob is our protector!

As a result, God says, "For this reason we do not fear when the earth shakes, and the mountains tumble into the depths of the sea, when its waves crash and foam, and the mountains shake before the surging sea." God ascertains our confidence in the midst of turmoil by saying "Be still and know that I am God..."

Paul says: Finally, be strengthened in the Lord and in the strength of his power. Amidst the forces they will come against he advises them to clothe themselves with the full armor of God. Why? So that they may be able to stand against the schemes of the devil. For our struggle is not against flesh and blood, but against the rulers, against the powers, against the world rulers of this darkness, against the spiritual forces of evil in the heavens...



A M A G U G U E V A N G E L I

Live on Khulumani FM, every Thursdays & Saturdays at 8.30PM

"The radio voice of the B.I.C.C."

WhatsApp/Call: +263 73 281 8181



Izwi Lethu, Igugu Lethu



PREACHER/WORD



Continuation...

He re-emphasizes that “For this reason, take up the full armor of God.” Why? So that you may be able to stand your ground on the evil day, and having done everything, to stand.

How then should they stand?

1. By fastening the belt of truth around your waist, by putting on the breastplate of righteousness,
 2. Fit your feet with the preparation that comes from the good news of peace, and in all of this,
 3. Take up the shield of faith with which you can extinguish all the flaming arrows of the evil one,
 4. And take the helmet of salvation and the sword of the Spirit, which is the word of God.
 5. With every prayer and petition, pray at all times in the Spirit, and to this end be alert, with all perseverance and requests for all the saints
- Paul is a good example of what he is talking about;

1. He was at some point falsely accused
2. He was beaten and imprisoned many times, but was heard saying, “through Christ, I can do all things.”
3. He faced death from human beings, in the sea and in the wilderness, and he was heard saying “ For in Christ we are more than conquerors.”
4. Uthi ma ecina impilo yakhe athi ku 2 Timothy 4:7-8;
“ Ngilwile ukulwa okuhle, sengiliqedile ibanga lami, lokukholwa ngikulondolozile.”

Kungabanjani kuthi ekugcineni kwakho konke sonke sime sithi;

“I have fought a good fight, I have finished my race, I have kept the faith”

Ezezimali

- Indaba zokuthengiselana azibekelwe umehlo.
- Igodi selikhona ele \$30000.
- Kucelwe emabandleni ukuthi bawakhiphe ama 20 percent ukuze singazitholi sisemagodini. i10 percent yezikolo yiyo ebuyayo.
- Uthi kayibe yi \$10usd iConference offering ukuze kusihambe kuhle njengabazalwane abathandekayo.
- Kukhuthazwa ukuthi ukuphuza kwezinto kwenza kungabi lokuthembeka.
- Zinengi izinto eziza khangelwa angazi ilihlo lomhlangano lona likubona njani lokhu. Phela ezikhangelwayo zicina zingabonakali.
- Izikwelede esilazo sezinengi ukwedlula lokhu okumele sikuthole lokhu kutsho ukuthi kungenzeka izisebenzi zebandla, zilale ngamanzi.
- Uthi umngcinisihlalo ibudget yakhe isebenza njengakubo siphatheleni - usejike usiphatheni ngemali eguquka njalonje.
- Bathi ngabe uchasile ukuthi uletha umbiko ongaqondanga umgcinincebo.
- Bacela ukuthi zilundwe ezomnotho ukuze singangeni egodini

U. M. T.

Lavuselelwa iphupho leUMT ngo2022 ukuze ukwakhiwa kweUniversity kuphumelele.

Kukhona lapho okufundelwa khona, okudlalwa khona ngabe UMT. Phoke sithini njengomhlangano Omkhulu ukuze lomsebenzi uphumelele.

Indiza kumele ukuthi ingasuka ihambe ize iyehlala lapho okumele ihlale khona. Uthi ibandla likholisa ukungenzi lutho yena enikela inkomo mnyaka yonke kutsho uRevJP.Ndlovu. Uthi ibandla yilo okumele lenze. Uvele wangenwa nguMoya wako Godlwayo - ethi ngobani amaBrazo – Yithi

Christian Education

Sebeveza ugwalo lwezemfundiso yesiKristu abeChristian Education. Badinga imali yesonto sikolo ukuze imfundiso yesiKristu iyephambili.

Administrative Secretary

Wethulwe uDr. Rev M. Mkhize njengoAdmin Secretary, uzasebenza lamaPulazi, izibhedlela, lezikolo, lezinye ingatsha ezamabhizimusi.

Ezisegudwini

- Abantu abanengi bezwakale bethi kungcono bangene iganga ngenxa yokusweleka kwamanzi ezindlini zokuziphumusa.
- Kuphume ukhetho lukaMfundisi Omkhulu kwahle kwaseleka itiye emkulwini.
- Bakhale ngobunyonyo ezindlini zokulala kuhlangothi lwabobaba, ikanti uMfundisi Victor Mabhena wathola amazinyane elele phezu kombheda ngemva kokufika kwakhe. Angazi kumbe lawa mazinyane yiwo azwakale ekhala ngesikhathi kubalwa amavoti okhetho lwamaKhomithi.
- Inengi labantu liphakathi kobudlelwano kabasekho ezindabeni lasezintshumayelweni lokhu kubonise ukudinwa yikuhlala isikhathi eside.
- Bagqoke baphendulela impahla abanengi ngokusweleka kwegets. Phela bathi kuhle kwaganyulwa isihlahla sawela phezu kwentambo zegets. Kuzwakale abanye besithi kungcono umhlangano uvalwe njengoba kungela getsi lamanzi njalo ukhetho lukaMfundisi omkhulu seludlule.

C. D. S.

Basebenza ukuthi izakhamizi labazalwane bathole impilo phakathi komumo wezomkhathi okhona emhlabeni. Bayavuselela amadamu kanye lokuncedisa ukulima. Uvunile uMr Dan Dube phakathi komumo ongela zulu. Bafundisa ngokulungisa ukudla kwenkomo lokwabantu. Uthi umnunzana Dube akulamuntu ongamxotsha eB. I. C. C.



Ordination Sermon:

Bishop S Ngulube

Wamukela bonke abantu ababekhona, uBishop omdala Dr. Danisa Ndlovu, uBishop okhethiweyo uRev. Ayibongwe Hlongwane, ababonisi abafundisi bonke, abafundisi abavela phandle, kanye lebandla lonke.

Luke 22:24- 27;
Philippians 2:5-7

Kuhle ukuthi izikhathi ezinengi sibonge. Sibonga imithandazo yeBandla okweminyaka elitshumi edluleyo. Uthe nxa omunye wakho engasekeli uMfundisi emsebenzini weNkosi akuhambi kuhle. Indlela ezimbili zokukhuleka. Indlela kaNkulunkulu lendlela yomhlaba. Eyomhlaba bakholisa izikhundla lamandla. Bayathanda ukuba ngabaqakathekileyo bakhothanyelwe. Bavikela izikhundla zabo. uNkulunkulu uthi ubufundisi akumelanga kube njalo. Akumelanga abakhokheli besiKristu bathande izikhundla. uJesu usibizela ukuba ziNceku zebandla ngoba ingqondo kaNkulunkulu ngeyokwehla, ukusiza lokupha. Sikhokhela ukupha hatshi ukuthi sizuze , hatshi ukubuthelela konke kithi. Ingqondo kaNkulunkulu ngeyokwakha umzimba wakhe olibandla hatshi ukubuthelela konke kithi. Ingqondo kaNkulunkulu ngeyokwakha umzimba wakhe olibandla hatshi amandla kumbe ukuqakatheka.

Ukugcotshwa kuhamba lamandla lokulalelwa lokhu abanye bakusebenzisa ukwakha amabizo abo kunye leNzuzo. 2 Corinthians 13:10 uPaul unanzela amandla alokho uNkulunkulu abanike wona. Bafundisi lingalimazi abanye kodwa ubakhe ngenxa kaNkulunkulu. Abanye bayekela ukuyasiza lapho okungelalutho khona besiya lapho okulamadlelo khona. Ubunceku bulembhadalo yakhona, kwesinye isikhathi kuze lobuhlungu. Kumele abakhokheli abagcotshiweyo bakhokhele ngokuzehlisa langobuNceku. Ingqondo ecabanga ngalabo abakhokhelayo. Lina lizidele likhokhele kuhle ukuze bengayi kulabo abalemfundiso yamanga. 2 Timothy 4:1-3 Lumbalo ubhalwe waphendindwa. Bafundisi asazini ukuthi uJesu uyaphila, uyabuya elanda labo abamlindeleyo. Lowo obizwe nguNkulunkulu uyaphila uyabuya elanda labo abamlindeleyo.

PREACHING/WORD


Ibandla elimi emfundisweni eqotho lihamba ngokufanele ubizo lwethu. By Rev S Ndlovu (Ephesians 4:1_6) Uthi omunye wathi uyabingelela uJesu ngegama labazalwane, uphakamise uNkosikazi wakhe ukuthi abantu babone ukuthi laye ulaye .Paul waloba lincwadi-Efesu yayiyindawo eyayihuga abantu abavela endaweni ezikhatshana Paul wahlala iminyaka emithathu etshumayela khona. Abantu ababekhona abanye bakhona kwakungamaGnostics ababesithi bona, gcina umutsho kodwa uguqule ukutsho. Efesu 1:5 semiselwe ukuba ngabantwana bakaKristu. Efesu babelomhlobo etshiyeneyo okwakusenza ukuthi lanxa bengena endlini yokukhonzela babeqala bavumelane ukuthi bazasebenzisa limi bani, Ibandla elihamba ngokuqotho ngelihamba ngokufanele uKristu ngenxa yalokho uKristu asenzela khona. Ukuphikelela kuvezwa yikuthi uKristu wenzani empilweni yakho. Uthi uMfundisi yena ekuform 2 wayesehlula isikolo kodwa waguqulwa yilokho uKristu akwenza empilweni yakhe. Asenzeni konke esikwenzayo njengebandla ngokufanele uKristu. Lathi zinengi izinto esihlangana lazo kodwa lanxa kunjalo asihambe ngokufanele uKristu ngokuveza impawu zobuKristu. uPaul uthi kulempawu eziveza ukuthi singamaKristu yena uqala ngophawu lokuzehlisa. Kumele sibe ngabantu abazehlisayo njalo sibemnene. Ukubamnene yikuba lamandla umuntu ongawasebenzisa kodwa akhethe ukubamnene ngokungasebenzisi lawomandla. Olunye uphawu yikubekezela kuhle ukubekezela kodwa kufuneka umuntu abelenhlupho ezinengi ukuze sihambe ngokufanele ubizo lwethu. Sibizelwe ukuthandaza asilwi lemimoya lemibuso kodwa silwa lemimoya esemkhathini. EMatopo ngihlangane lezinto ezinzima engicabanga ukuthi okweminyaka engu3 ngicabanga ukuthi ngangiwumanela abazalwane. Kwaze kwafika isikhathi sokuthi akhuleke ukuze izinto ziguquke. Kulemumo eyiziqholo engasukiyo ngaphandle kokukhuleka. UJesu uyananzelela njalo uyaqakathekisa umphefumulo ukuze sihambe ngokufanele ubizo lwethu. Sibizelwe ukuthethelelwa_ukungathetheli kufana lokunatha itshefu ukhangelele ukuthi kufe umuntu oseceleni kwakho. Sibizelwe ukusiza abaleziswelo kuhle ukusizama ngezikhathi ezinzima. Uthokozile kunyanga edlulileyo lapho ebhujelwe nguyise imota ezihambe ukuyangcwaba. Uze wezwa imuli yakibo abangamaRoma besithi ibandla labazalwane libandla bandla. Sibizelwe ukuthethelelana ukewalimala kakhulu ngenxa yabazalwane abaseduze waze waya kulabo abalungisa ingqondo (Psychologist) ngoba wayeselimele waze wakhala njengomntwana.



ALMASI CREATIVES

For all your creative marketing solutions. Contact us, its FREE!
"Innovative Imagination"

+263 71 442 3102 | +263 78 223 6432 | +263 77 107 9406



Giving

By Pastor Glen Ncube

Ukupha yikukhonza okwenziwa yinhliziyu, nxa sisipha siyahlolwa enhliziyweni. Ukuceba yikupha okwedlula lokho olakho kumele singakhethi abantu sinikele umsebenzi kaKristu. Lingazigcineli inotho yalapha emhlabeni ngoba lapho okulenhliziyu yomuntu kulapho okulenothe khona. Nxa ibandla laseFiliphu seliphile uPaul wathaba waze walibhalela incwadi wabona ukuthi lingabisiswa. Ukukotshoza ukunikela yinto enganhle, kumele kubhizimusi yakho ufake eceleni ukuthi umsebenzi kaKristu unika malini. Nxa sisemdlalweni umdlali oyedwa ongaxegisa kudliwa iqembu lonke.

Khumbula High School

Abentshengu ubangumngane kaHead eKhumbula High school lethani abantwana eKhumbula kodwa uthi uMphathisikolo lingayithi vuu! ukuthi imbhadalo yesikolo iphansi kakhulu kodwa lingayithi vuu! Ukuziphatha kwabantwana beKhumbula kuhle kakhulu njalo kusezingeni eliphezulu. AbeNono District sebesenza isivumelwano lesikolo seKhumbula High school ukuthi kube lebhasi ethwala abantwana ukuthi bayefunda kulesisikolo.

Khumbula Offers the following:

- A) Excellent pass rates at O' level and A' level.
- B) Dedicated staff and learners.
- C) SDC 90% BICC members.
- D) High level of discipline is maintained through out.
- E) No groceries for learners in 2025.
- F) Pastor Thulani Siziba for spiritual welfare at the school.
- G) Low fees in 2025.
- H) We are appealing for more.



Communion Message:

Rev B. Moyo – U. K.

Exodus 12:6-7, 13

Ukuphila ngokufa Indaba abantwana bakolIsrael behlupheka eGibithe. uNkulunkulu uzakwehla abakhulule ekuhluphekeni. uNkulunkulu wadinga indlela yokubakhulula njalo akhulule umhlaba wonke. Asingeke siphile kuNkulunkulu singafani laye. Nxa ufuna ukuphila kumele kube lokunye okufayo. Kwafa iwundlu endaweni yokufa kwabantu ukuze baphile. Ogcotshwe ngegazi likaJesu liyikuphila kulabo abafayo uNkulunkulu wafa ukuze thina siphile. Igazi likaJesu liyisibonelo kithi ngokugcotshwa kwegazi empilweni. Izwi lithi nxa kulegazi siyabuyezana loNkulunkulu. Ngokufa kukaJesu sabuyisana loNkulunkulu ngegazi. Sabuyisana loNkulunkulu ngoba uJesu wafa endawe

**Bahlabelele
abantwana bethi
ezinye izinto azifuni
mthandazo kodwa
zifuna ukubaleka
ngenyawo zombili.
Bebebahle abantwana
beLobengula bafake
amaunirform. Benze
kuhle kakhulu
abantwana
ngesikhathi sabo
babonisa ukuthi
bakhona
emhlanganweni**

ARE YOU HUNGRY FOR TRAFFIC?

You too can advertise here. Contact
Rev. M. Mkhize on WhatsApp or call
+263 77 353 6087





www.bicezim.org





Scan me!



Visit us and register for our newsletter to receive a soft copy and more:

www.bicczim.org

FOR ALL YOUR MARKETING AND BRAND CONSULTANCY, CONTACT ALMASI CREATIVES ON +263 78 223 6432

DESIGNED BY ALMASI CREATIVES